

中國佛寺志叢刊

趙樸初



清・馬元 釋真樸重修

曹溪通志
(上)

廣陵書社

曹溪通志

曹溪通志，八卷首一卷。清道光十六年（1836）刘学礼重刊本。

曹溪位于广东韶关市南，是北江的一个支流，因溪畔的南华禅寺为岭外丛林之冠而闻名。《曹溪通志》即主记南华禅寺事。明万历年间即有旧志，清康熙年间进行了重修，道光重刊本书前收有万历旧志中陈大科、周汝登、杨起元所作的序，还收有康熙重修志中马元、史树骏所作的序以及刘学礼重刊之跋文。据重刊跋文称，重刊本对康熙本仅进行了补残正伪工作，其编次卷数一遵原刻。

曹溪通志为马元、释真朴重修。马元为韶州府知事，真朴号雪公，为济宗之嫡嗣，时任南华寺方丈。康熙十年（1671）为重修曹溪通志，马元将旧志交与释真朴校辑，不到两个月的时间，得以成书。卷首为图志、凡例，卷一至卷八依次为山川形势、道脉源流、传灯人物、继席宗匠、佛法提纲、王臣外护、品题词翰。由于南华禅寺在中国佛教界的独特地位，所以，该志历来受到重视。

南华禅寺初名宝林，创建于南朝梁天监三年（504），寺依庾岭分脉宝林山，面临曹溪，山水秀丽，惜毁于隋末兵火。唐仪凤二年（677），禅宗六祖慧能主持曹溪，发展禅宗南派，在位三十七年，是寺庙最盛时期，当时有僧众数百人，得法门徒四十五人，传播各地，后来分为临济、沩仰、曹洞、云门、法眼五宗。其中，临济、曹洞传入日本，从此寺名大振，故国内及日本佛教徒中，均有人称其为「祖庭」。该寺唐代敕名「中兴寺」，「法泉寺」，宋初赐名「南华禅寺」，沿袭至今。现寺内有大殿、僧舍、经楼、灵照塔等古建筑，还存有大量珍贵文物。其中以唐代千佛袈裟、六祖真身像、圣旨，北宋木雕罗汉等最著名。南华禅寺至今仍为佛教南宗信徒的朝拜圣地。

王明发

曹溪舊志序

佛之爲言覺也覺一切種智開覺有悟如惠覺詩
云佛時仔肩空桑氏曰先覺覺後悟其是之謂子普
度衆生以證菩提豈與小乘之禪枯槁寂滅爲聲聞
而已者同乎哉余不嫻佛典而獨好曹溪壇經則其
破諸妄相罔棄倫物真性自脩且云不必禪戒本來
無物古哉言乎匪逃淪空遺身四世儒所詆者也張
商英曰吾與佛而後知儒以佛券儒也司馬溫公
作解禪偈此以儒券佛

其道以道之奚必與媾

爲關以見其捷而滋之。觀察周君爲余言清上人由牢山飛錫南海。上獨得南宗密諦。余聞人朱生完劉生克治克平言清上人與觀察合及見上人以所著曹溪志問序於余。時方倥傯行間未遑也。逾年不佞被放以杪秋發。夕上人復偕韓孝廉上桂朱劉二三子送余中宿峽。申前請余惟志也者。志也述往事思來者以有所取義作者之志也。曹溪爲勝地其事則能大師其文則歷代制書暨諸哲匠名卿之有事于茲土者其取義則欲後之人紹明其緒。

覃精性命之際意在斯乎靈鷲邈矣南嶽以南此爲
粵區西天寶林智藥發嘆斯募殊之五臺法蘭之崑
嶽也作山川形勢志釋迦天人之師傳衣授鉢達磨
西來至于南海壁觀之後可得厥髓可以是傳之璨
璨以是傳之信信以是傳之忍忍以是傳之能心印
相傳二枝五派沾溉羣品作道脉源流志曹叔良魏
武之子孫陳亞仙夜郎自雄並以檀越食報茲山寶
林中興法泉南華不常一作名作興廢沿革志弟子四
十有三人青原南嶽永一作稱高足宗分派衍幾遍

震旦作傳燈人物志

子施樹爲佛說法摩騰

西來爰始白馬精舍

此興曹溪伽藍莊嚴無

異陶謙所爲然詎曰一人之力作建制規模志王通

氏稱佛爲西方聖人張文定謂曹溪超乘子與故歷

代帝王宰官暨循吏之吏茲土者莫不聞法隨喜光

崇斯道以衛三寶匪直資生之施而已作王臣外護

志曹陳檀施以來厥田爲上上豪强兼并蠶食代有

鄉者有司過聽鰥生因緣厥田以罄僧僧患苦疲命

轉徙吏急催科如捕亡賴陳韶州劉中都解不調之

悲而更張之爰復厥常有所息踵茶椒楸櫚之供豈
曰惟正哉吏茲土者稍與之休息先以簿正毋東濕
薪可也不然田卒汙萊寶林鞠爲茂草矣作香火供
奉志長老上座僧之模範大智清規可爲法程至明
也今之住持失其職矣首座知殿而下各有司存作
清規典職志曹溪衣鉢傳之佛祖經像頒之歷代物
產施之檀越吏茲土者不務自明其道或毀其器或
侵漁其田悲夫作常住庫藏志詩言志歌咏言言心
聲也心聲出于口君子必見矣宋之問唐之穠人

其謁能禪師豈皈依三寶以滌厥末路耶眉山廬陵
田峻暨子皆知其名由唐宋以迄于今疇文而行疇
文而無行疇有行而言之無文得失之林具是矣作
品題詞翰志凡爲卷四爲品十其事核其旨遠宗門
良史哉非第以文而已也覽者神而明之庶幾清上
人之志也有能紹明其緒覃精性命之際意在斯乎
意在斯乎

萬曆二十六年九月旣望

賜進士第資善大夫總督兩廣軍務兼理糧餉帶管

鹽法巡撫廣東等處地方都察院右都御史兼兵部右侍郎維揚陳大科思進甫書于滇江舟中

又

天人一也呼吸相隨人有是事則天應以是人方其未至蔑如也至則莫不曉然知其有待蓋予嘗慕曹溪性宗結屋韶石往還甚熟覽其志甚不稱未幾赴闕於燕邸得愁山緒言讀之愛其文雅旋得覩光儀類其文孰意數年間飛錫南來竟爲曹溪作志耶曹溪我

盧祖說法地當時得法者青原南嶽爲冠其後衍爲
五宗子孫布滿寰宇皆祖曹溪可知其地之勝矣顧
非慙上人慧性超悟克紹宗風文藻優長辯才無礙
安能部分臚列綱舉目張劍例發凡掩前光後者也
昔人云江山如有待寧不信然洪惟

盧祖之學以見性爲宗自佛教入中國學者類以名
相求佛而自性功德自性西方自性戒定慧等語始
揭西來之意學佛者自此始識宗趣法弘化闡薰及
儒流若周子得之壽厓程子又得之周子其名教雖

遵六籍而其密義實取諸壇經也其書具存要不可掩然則我

盧祖豈特有功於釋抑亦有功於孔矣且性者生民之命脉也日用不知罔生罔死則亦已矣其間號爲賢智者而不知則其穿鑿多事害及家國何可勝言故見性之學爲天地立心爲生民立命爲往聖繼絕學爲萬世開太平之樞要也然則斯志之作關繫匪輕而慙上人心存普度隨機接引單提本來無物之旨醒悟磨磚拾礫之徒則旣身志之矣而後以文者

也又不大有功於

盧祖哉夫性宗不闡則聖人脩道立教之意荒故天生

盧祖以闡之

祖蹟不彰則衆生渴仰悲慕之誠薄故天生慙上人
以彰之吾故曰人有是事則天應以是人非偶然者
斯舉也予年友觀察海門周公實托重焉其本末節
目具大中丞督府陳公前序中茲特舉其概以俟同
志謹序

萬曆二十七年六月望

賜進士第通議大夫吏部右侍郎兼翰林院侍讀學士前南京吏禮二部侍郎國子監祭酒王牒纂修經筵講官歸善楊起元頓首撰

又

余移官嶺表因得至韶水上曹溪瞻禮

六祖真身方度嶺初地見一華表卓立題曰禪林洙泗因竊嘆禪本曹溪儒宗泗水彼此相況庶幾迎之蓋嘗縱論宇內名區所在賢聖托蹟在峨嵋則有普

賢在五臺則有文殊在補陀則有觀音非不各稱靈
奇然而智者見斯了然苟非其人不生奇特之想卽
起渺茫之疑者不少矣後在少林則有初祖在黃梅
則有忍師自是東土真宗然而一雨初滋真言未普
單辭密語鍊壁懸崖中根俗士湊泊不易矣惟至大
鑒肇生曹溪說法而後上下俱接顯密齊彰數卷壇
經何殊論語隨緣率履不越尋常夫人試觀新州百
姓而知佛祖卽是凡夫也觀安置毋宜而知出家卽
是在族也觀隱身避難而知神通卽是見用也觀平